

PLATO.—Plato, natione Græcus, patria Atheniensis, philosophus præstantissimus, vita functus anno ante Christum 548, plura et eximia Græco idiomate concinnavit opera: *De legibus*, — *De amicitia*, — *De mendacio*, — *De republica*, etc., etc.

PLATUS.—Hieronymus Platus (Plati), natione Italus, patria Mediolanensis, Societatis Jesu, vir ingenio, modestia et morum suavitate præstans, ad cœlestem patriam evocatus anno 1591. Scripsit: *De bono status religiosi*, — *De cardinalis dignitate et officio ad fratrem suum Flaminium Platum cardinalem*.

PLETTEMBERG.—Hunoldus Plettemberg, natione Germanus, Societatis Jesu presbyter, vir jure canonico et theologia apprime eruditus, varia edidit opera sub his titulis: *Introductio ad jus canonicum*, — *Notitia curiæ Romanæ*, etc. Claruit sæculo XVII.

PLINIUS.—Caius Plinius Secundus, natione Italus, patria Veronensis, rerum naturalium investigator sagacissimus, fato functus anno Christi 79, ætatis suæ 56, scripsit *Historiam naturalem*, etc.

PLUTARCH.—Plutarchus in Bœotia natus, historiographus et philosophus insignis, sub Trajano imperatore claruit; scripsit: *Tractatus morales*, — *Virorum illustrium Vitas*, et obiit circa annum 140.

POLANC.—Joannes Polancus, natione Hispanus, patria Burgensis, Societatis Jesu, vir doctrina et eloquentia clarus, orator facundus, philosophus gravis sacrarumque litterarum scientia nemini secundus, e vita decessit anno 1577, posteris relinquens: *Directorium ad confessarii et contentis munus rite obeundum*, — *Methodum adjuvandi eos, qui moriuntur*, — *De septem peccatis mortalibus*, — *De humilitate*, — *Doctrinam Christianam*, etc., etc.

POLIT.—Alexander Politus (Politi), natione Italus, patria Florentinus, scholarum piarum clericus regularis, vir scientiis philosophicis et theologicis apprime doctus, obiit anno 1752, ætatis suæ 73. Plurima sui ingenii monumenta exstant opera, quorum præcipua sunt: *Philosophia peripatetica ex mente S. Thomæ*, — *Selecta Christianæ theologiæ capita*, — *De patria potestate in condendis testamentis*, — *Martyrologium Romanum castigatum et commentariis illustratum*, — *Orationes*, — *Opuscula*, etc., etc.

POLMAN.—Joannes Polmanus (Polman), natione Belga, patria Tubecanus, theologiæ licentiatum in academia Duacena, dein ecclesiæ metropolitanae Cameracensis canonicus theologus, obiit anno 1649, et scripsit: *Breviarium theologicum*, etc.

POLUS.—Reginaldus Polus (Pool), natione Anglus, Cantuariensis archiepiscopus et S. R. Ecclesiæ cardinalis, vir eruditione, facundia simul et modestia clarus, migravit ad Dominum anno 1558, ætatis suæ 58. Varios scripsit tractatus, scilicet: *De unitate ecclesiastica*, — *De officio et potestate summi pontificis*, — *De concilio Tridentino*, etc., etc.

POLYDOR.—Polydorus Virgilius, natione Italus, patria Urbinensis, presbyter Romanus, postea vero ab Henrico VIII archidiaconus in Anglia creatus, obiit anno 1555, posteris relinquens: *Historiam Anglicam*, — *Tractatum de inventoribus rerum*, — *De prodigiis*, etc., etc.

POMPON.—Julius Pomponius Lætus, natione Italus, patria Calaber, historiographus ingenio et eruditione clarus, vita functus anno 1495, scripsit: *De exortu Mahumedis*, — *De magistratibus Romanis*, — *De sacerdotiis et de legibus*, — *De Romanæ urbis vetustate*, — *Vitas Romanorum imperatorum*, etc.

PONTAN.—Joannes Pontanus, natione Germanus, medicus insignis, scripsit: *De prodigiis episcopi Spirensis jejuniis*, — *Tractatum de alimentis*, etc. Obiit anno 1572.

PONTAS.—Joannes Pontas, natione Gallus, in diœcesi Abrincensi natus, juris utriusque doctor, et

ecclesiæ Parisiensis pœnitentiarius, vir scientia et eruditione clarus, varia tum Latine tum Gallicæ concinnavit opera, quorum præcipua sub his titulis: *Scriptura sacra ubique sibi constans*, — *Dictionnaire des cas de conscience*, et alia ascetica. Obiit anno 1728, ætatis suæ 90.

PONTE.—Joannes Franciscus de Ponte, natione Italus, Neapolitanus eques, causidicus et jurisconsultus insignis, supremi Itali consilii præses, juris publici fecit: *Consilia*, — *Decisiones supremi Itali consilii, regiæ cancellariæ et regiæ cameræ summaria*, — *Repetitiones feudales, juris responsum super censura Veneta*, — *De potestate protegis Neapolitani, et collateralis consilii regni que regimine*, etc. Claruit sæculo XVI, circa finem.

PONTIUS (B.).—Basilus Pontius (Ponce de Léon), natione Hispanus, patria Legionensis, ordinis S. Francisci monachus, Salmanticæ cancellarius scholæ, theologiæ primarius professor omnigena doctrina dives, sui ævi felix prodigium, anno 1629, ætatis suæ 59 orbi præreptus abiit in cœlum, posteris varia sui ingenii monumenta relinquens opera, sub his titulis: *Liber de Agno typico*, — *Tractatus de matrimonio*, — *De impedimentis matrimonii*, — *De sacramento confirmationis*, — *Disputationes ex utraque theologia scholastica et expositiva*, — *Conciones*, etc., etc.

PONTIUS (J.).—Joannes Pontius, Hibernus Corcagiensis, ordinis S. Francisci monachus, lector emeritus, in Romano collegio S. Isidori primarius professor, vir religione et virtute gratus, et in humanioribus litteris non mediocriter versatus, erudite conscripsit: *Integrum philosophiæ cursum*, — *Cursum theologicum ad mentem Scoti*, — *Commentarios theologicos*, etc., etc. Claruit sæculo XVII.

PORTEL.—Laurentius Portel, natione Lusitanus, in oppido Portel natus, unde nomen duxit, ordinis S. Francisci monachus, theologus doctrina conspicuus, juris publici fecit: *Responsiones aliquorum casuum moralium spectantium præcipue ad personas regulares, ac etiam sæculares*, — *Dubia regularia*, — *De scrupulis, et opinione dubia eligenda*, — *Expositionem casuum reservatorum*, — *Exhortationes monasticas*, etc. Claruit sæculo XVII.

PORTER.—Franciscus Portero, natione Hibernus, patria Medensis, ordinis S. Francisci monachus, lector his jubilatus, serenissimæ Majestatis Britannicæ theologus et historiographus, varia concinnavit opera, sub his titulis: *Compendium annalium ecclesiasticorum regni Hiberniæ*, — *Securis evangelica ad hæresis radices posita*, — *Systema decretorum dogmaticorum ab initio nascentis Ecclesiæ per summos pontifices, concilia generalia et particularia huc usque editorum*, etc., etc. Migravit ad Dominum anno 1702.

PORTIUS.—Lucas Antonius Portius, natione Italus, patria Neapolitanus, medicus insignis, vita functus anno 1712, scripsit: *De militis in castris sanitate tuenda*, — *Institutiones de testamentis militum*, et varia tum medica, tum philosophica et mathematica opera.

POSNAN.—Petrus Posnaniensis, natione Polonus, patria Posnaniensis, unde sic dictus, ordinis S. Francisci monachus et minister, vir pietate et doctrina præstantissimus, edidit: *Decisiones totius theologiæ speculative*, — *Commentaria in librum primum Sententiarum Scoti*, — *Institutiones sacras in Dominicis totius anni*, — *Questiones in IV librum Sententiarum*, etc., etc. Florebat anno 1640.

POSSEV.—Antonius Possevinus, natione Italus, patria Mantuanus, Societatis Jesu presbyter, vir humanitatis, philosophiæ, aliarumque doctrinarum bene peritus, suavi eloquentia quam grata oris decorabat majestas, notis omnibus charus, scientia et eruditione insignis, multos post labores Ferrariæ diem clausit extremum anno 1611, ætatis 78. Varia et eximia concinnavit opera, quorum præcipua

sunt: *Bibliotheca selecta de ratione studiorum*, — *De sanctissimo Missæ sacrificio*, — *Apparatus sacer*, — *Moscovia*, — *Theologia catechetica*, — *Conciones*, etc., etc.

POTESTAS.—Felix Potestas (Potesta), natione Siculus, patria Panormitanus, ordinis S. Francisci monachus, Sancti Officii consultor, regiæ monarchiæ Siculæ theologus et diffinitor, in lucem emisit: *Manuale ordinandorum, duos complectens tractatus de sacramento ordinis et de sacrificio Missæ*, — *Examen ecclesiasticum*, — *Examen prædicatorum*, — *Cursum philosophiæ*, — *Theologiam mysticam*, — *Tractatum de monialibus*, etc., etc. Obiit Panormi anno 1702.

POTIER.—Robertus Josephus Pothier, natione Gallus, patria Aurelianensis, jurisconsultus præstantissimus, vir ingenio, scientia et virtutibus insignis, vita functus anno 1772, ætatis suæ 73, plura de jure et eximia concinnavit opera tum Latino tum Gallico sermone conscripta, quorum præcipua sunt: *Pandectæ Justinianæ, in novum ordinem digestæ*, — *Synopsis institutionum juris pontificis*, — *Coutume d'Orléans*, — *Tractatus de obligationibus*, etc., etc., etc.

POUGET.—Franciscus Amatus Pouget, natione Gallus, e Monte-Pessulano oriundus, congregationis Oratorii presbyter et doctor Sorbonicus, vir scientiis theologicis peritissimus, obiit Parisiis anno 1723, ætatis suæ 57, et edidit *Institutiones catholicas*.

PRÆPOSITUS.—Joannes Antonius a S. Georgio, Mediolani natus, magna cum fama in hac urbe jus docuit. Deinde fuit præpositus ecclesiæ S. Ambrosii et episcopus Alexandriae, apud Pedemontanos. Creatus fuit cardinalis ab Alexandro VII, anno 1495. Romæ migravit ad Dominum anno 1509. Scripsit: *In decretum Gratiani*, — *In quatuor Decret.* — *In Clementinas*.

PRÆMOLI.—Victorianus Præmolus, natione Italus, patria Cremensis, Societatis Jesu. Vir egregie doctus, philosophiam, theologiam, scholasticam, quæstiones de conscientia, complures annos professus, Patavii, Romæ, Mutinæ et Bononiæ. Migravit ad Dominum, cum succurreret pestiferis, anno 1650. Scripsit *Memoriale sciendorum a clericis cum appendice*.

PRIORI.—Priorius Philippus (Philippe le Prieur), natione Gallus, humaniores litteras in Universitate Parisiensi docuit et obiit anno 1680. Edidit *Tertullianum cum notis et plures alios Ecclesiæ Patres*. Scripsit: *Dissertationem de litteris canonicis cum appendice de tractoriis et synodicis*, — *Animadversiones in librum Præadamitarum*.

PRIVITERA.—Franciscus Privitera Catensis, ordinis Minorum strictioris observantiæ reformatorum Messanensis provinciæ, lector generalis, ac Pater S. Inquisitionis consultor et censor, vir prudentia, doctrina et eruditione clarus, qui oratorem egit, ablegatus in Hispaniam a Catanensi urbe. Obiit Catanæ, anno 1702. Scripsit: *Manuale antistitum*, — *Kalendarium Romanum historicum*.

PROCOPIUS.—Procopius, historicus Græcus, Constantinopolitanus præfectus, tempore Justiniani florebat. Scripsit: *Historiam in octo libros distributam*, — *Anecdota*.

PROSPER (S.).—Vide *Patrologiam Latinam*, edit. Migne, tom. LI.

PUFFEND.—Puffendorf (Samuel de), natus in Misnia anno 1651, ex familia Lutheri erroribus addicta, historiographus Caroli XI, Sueviæ regis, multisque aliis publicis muneribus functus, obiit anno 1694. Scripsit: *Elementa jurisprudentiæ universalis*, — *De sphaera morali*, — *Dissertationes*, — *Historias*.

PURICELLI.—Joannes Petrus Puricelli, natione Italus, archipresbyter S. Laurentii Mediolani anno 1650, cum peste hanc urbem vastaret, solus inter canonicos, peste infectis succurrit. Migravit ad Do-

minum anno 1659. Vir erat iste scientia et virtutibus insignis. Præcipua quæ scripsit opera sunt: *Ambrosianæ basilicæ monumenta*, — *Sancti Satyri et SS. Ambrosii et Marcellinæ tumulus suæ luci restitutus*.

PUTEOBON.—Claudius Puteobonellus, cleric. regularis S. Pauli: *De sacramentis*.

Q

QUADRAT.—Maturinus Quadratus, Ebroicensis Minorita, cui ad reliqua virtutis ornamenta doctoratus laurea Parisiis accessit, in explicandis quibusdam prophetiis ingenii sui vela evolvit. Florebat XVI sæculo. Edidit: *Homilias in Malachiam prophetam*, — *Homilias in Amos prophetam*, — *Homilias in Joëlem prophetam*.

QUARANT.—Quaranta Stephanus, natione Italus, patria Neapolitanus, ordinis Clericorum Regularium, episcopus Amalfiensis anno 1650. Edidit: *De consilio provinciali et auctoritate episcopi in suffraganeos, eorumque subditos in tota provincia*, — *Summani bullarii, omniumque summorum Pontificum constitutionum*.

QUARES.M.—Quaresmius Franciscus, natione Italus, patria Mediolanensis, ordinis Minorum, in missionibus Orientis adhibitus, obiit anno 1640. Aliquot opera theologica reliquit et *Descriptionem Terræ sanctæ*.

QUARTI.—Quarti Paulus Maria, natione Italus, patria Neapolitanus, ordinis Clericorum Regularium, florebat XVII sæculo. Scripsit: *Maturam discussionem casuum episcopaliū, seu atrociorum criminum, quæ solent ab episcopis reservari*, — *Tractatum de jubileo*, — *Tractatum duplicem de processionibus ecclesiasticis*.

QUESNEL.—Quesnellus Paschasius (Pasquier Quesnel), Lutetiæ natus anno 1634, congregationem Oratorii amplexus est anno 1657, vir paribus Jansenianorum deditissimus, post vitam agitativissimam cujus historia longior esset, exsul Amstelodami obiit anno 1719. Multa opera scripsit quorum præcipua sunt: *Reflexions morales*, — *L'idée du sacrifice et du sacrifice de J. C.*, — *Recueil de lettres spirituelles sur divers sujets de morale et de piété*, etc., etc.

QUINTANADV.—Antonius de Quintanadvenas, natione Hispanus, patria Alcantarensis, Societatis Jesu, docuit humaniores litteras, deinde missionarius fuit, vir zelo, charitate, aliisque virtutibus clarus; accitus Toletum a cardinali episcopo Toletano, ut fastos diœcesis conscriberet, eo opere absoluto, typisque mandato, redux Hispalim, obiit 1651. Edidit: *Singularia theologiæ moralis ad septem Ecclesiæ sacramenta*, — *De vitis sanctorum Ecclesiæ Hispalensis*, — *Doctrinale ad moniales*, — *Instructionem de ordinandis*.

QUINTILIAN.—Marcus Fabius Quintilianus, rhetor Romanus percelebris, natus anno J. C. 42, advocatus, professor rhetoriæ, scripsit eximium opus cui titulus est: *Institutiones oratoriæ*.

QUIRINI.—Querini vel Quirini (Angelus Maria), natione Italus, patria Venetus, ordinis S. Benedicti, vir scientia et amore studii clarus, relationem habuit cum omnibus hujusæ temporis literatis et doctis; archiepiscopus Coreyæ et Brixienis creatus cardinalis a Benedicto XIII, migravit ad Dominum anno 1755. Cujus sunt præcipua opera: *Primordia Coreyæ, antiquissimis monumentis illustrata*, — *Enchiridion Græcorum*, — *Liber de optimorum scriptorum editionibus*, quæ Roma primum prodierunt post divinum typographiæ inventum, etc., etc.

R

RABAN. MAUR.—Rabanus Maurus natus anno 788,

natione Germanus, Fuldensis abbas, archiepiscopus Moguntinus anno Domini 847, migravit ad Dominum anno 856. Multa concinnavit opera quae in sex voluminibus includuntur in cursu novo *Patrologiae Latinae* a tom. CVII usque ad tom. CXII inclusive, edit. Migne.

RABAUD. — Rabaudy (Bernardus de), ordinis Praedicatorum, Tolosae theologiae docuit magna cum fama et obiit anno 1751. Scripsit *Exercitationes theologicas ad singulas partes Summae S. Thomae, doctoris angelici*.

RADA. — Joannes de Rada, Hispanus, Aragonensis, ordinis Minorum, celebris theologiae professor, Romae consultor praecipuus pro gravissima illa controversia de efficacia gratiae, procurator generalis ordinis, mox electus archiepiscopus. Tranensis in Apulia, dein episcopus Pactensis in Sicilia, obiit in cenobio S. Francisci de Paulo in Calabria, anno 1608. Scripsit *Controversias theologicas inter S. Thomam et Scotum super quatuor libros Sententiarum*.

RADER. — Raderus Matthaeus, natione Germanus, patria Inchingensis in Tyrolia, vir peritus in utraque lingua Latina et Graeca, miro candore, et singulari patientia praeditus, docuit humaniores literas fere per totam vitam et migravit ad Dominum anno 1634. Multa concinnavit opera quorum praecipua sunt: *Commentarii in Martialem, Viridarium sanctorum, et multa alia commentaria de auctoribus profanis*.

RAGUS. — Ragusa Hieronymus, natione Siculus, Societatis Jesu, eloquentiam, theologiae et historiam excoluit. Ragusa migravit ad Dominum anno 1720. Multa opera edidit quorum praecipua citari possunt: *Problemata philosophica, Examen metaphysicæ, Quaestiones theologicae, Opuscula tria canonico-politica*.

RAINALD. — Rainaldi Ordericus, sacerdos congregationis Oratorii, florebat XVII saeculo. Scripsit *Annales ecclesiasticos*.

RANCHIN. — Ranchinus Franciscus, natione Gallus, medicus, doctor et cancellarius facultatis Montis Puellarum, ejusdem urbis primus consul anno 1629, quando in hac urbe pestis sevit. Multa edidit opera ad medicinam attentissima et *Tractatum politico-medicinalem pestis*.

RASPONI. — Rasponi Caesar, natione Italus, canonicus S. Joannis Lateranensis, cardinalis creatus ab Alexandro VII, anno 1664, vir scientia et pietate clarus, migravit ad Dominum anno 1675. Scripsit: *De basilica et patriarchio Lateranensi, Orationes, Principem hieropoliticum, Collectionem sententiarum et Scriptura et SS. Patribus expromptarum*.

RATBERT. — Ratbertus, Helvetia oriundus, monachus cenobii S. Galli, et in hoc monasterio professor, vivere desiit circa annum 890. Scripsit *De casibus monasterii S. Galli et Poemata sacra*.

RAYMUNDUS DE PENNAFORT, vide Pennafort.

RAYNALD. — Raynaldus, jurisconsultus cui attribuitur opus titulum praebens: *Resolutiones criminales*.

RAYNAUD. — Joannes Dominicus Raynaudus, canonicus S. Petri de Urbe, scripsit *Observationes criminales, civiles et mistas*.

RAYNAUD. — Raynaudus Theophilus, natione Italus, Societatis Jesu, humaniorum litterarum professor necnon theologiae, Lugduni obiit anno 1663, vir charitate, virtutibus et ingenio singulari insignis. Edidit: *Erotemata de bonis et malis libris, Trinitatem patriarcharum, Tabulas historiae sacrae et profanae, Petrum a Valle-Clausa*.

RAYNER. — Raynerus Sacconus Placentinus ex haereticorum duce, atque antesignano, seu episcopo ad agnitionem veritatis catholicae a Deo vocatus, atque inter praedicatorum admissus, eisdem hostibus fidei postmodum perpetuum bellum indixit. Mediolani generalis inquisitor fuit. Quievit in pace anno 1259. Fuit aequè maximus canonista, theologus et

philosophus. Scripsit *Summam adversus haereticos, et alia multa*.

RAYVARD. — Rayvardus Jacobus, natione Belga, juris professor, anno 1568 obiit. Edidit *Librum variorum*.

REBELLE. — Rebello Ferdinandus, natione Hispanus, Societatis Jesu, philosophiae et theologiae professor, migravit ad Dominum anno 1608. Scripsit *De religione, de justitia, de charitate*.

REBUFF. — Rebuffus Petrus, natione Gallus, Societatis Jesu, professor juris in multis urbibus, denique Lutetiae, in hac urbe decessit anno 1557. Multa concinnavit opera quorum praecipua: *Praxis beneficiorum, Tractatus in bulla Cena Domini, Commentaria*.

REDING. — Reding de Biberegg Augustinus, ex Helvetia oriundus, electus princeps abbas Einsidlensis anno 1670, obiit anno 1692. Scripsit: *De theologia scholastica, Commentaria in concilium Tridentinum*.

REDN. — Redn Justus, natione Germanus, reformatorum prov. Tyrolii D. Leopoldi exprovincialis minister, ac sacrorum canonum eruditus lector, florebat ineunte XVIII saeculo. Edidit *Opus canonico-politicum de electione, et electionis praeside*.

REDOAN. — Guillelmus Redoanus, episcopus Nilio-nensis, scripsit: *De spoliis Ecclesiae, De Simonia*.

REGINALD. — Reginaldus Valerius, natione Gallus, Societatis Jesu, philosophiam Burdigali et Lutetiae docuit, theologiae Dolae Sequanorum et migravit ad Dominum anno 1625. Scripsit: *Praxim Fori, et Confessarii consilia*.

REIFFENST. — Anacletus Reiffenstuel, ordinis Minorum, ex reformatis provinciae Bavariae, lector jubilatus, sacrorum canonum professor, ac ex-diffinitor, publici juris fecit non pauca, doctorum virorum judicio eruditissima. Vivebat desinente XVII saeculo. Edidit *Theologiam moralem brevi, simulque clara methodo comprehensam, atque juxta sacros canones, et novissima decreta summorum Pontificum diversas propositiones damnantium, ac probatissimos auctores, succincte resolvablem omnes materias morales*.

REINING. — Reinling Jacobus, natione Germanus, Societatis Jesu, philosophiam et theologiae docuit magna cum fama, primum Lutherani sese fortiter obstitit, deinde partibus haereticorum sese addixit, ad nuptias convolvit, et Tubingae fuit professor theologiae et ejusdem urbis rector collegii. Obiit anno 1628. Diversa opera scripsit orthodoxa et heterodoxa.

REMIC. — Remigius Josephus Honoratus, natione Gallus, sacerdos et jurisconsultus, obiit anno 1782, vir virtute et scientia insignis erat. Multa concinnavit opera, ad jurisprudentiam, ac historiam, ad religionem attentissima, quorum praecipua sunt: *Codex Gallorum, Tractatus de communitatibus, Vita Caroli Magni*.

RENATUS CHOPINUS, vide Chopinus.

RENAUD. — Renaudotius Eusebius, natione Gallus, congregationis Oratorii, nunquam autem sacros ordines adeptus, vir in linguis peritissimus erat; multas regiones peragravit et Romae summo cum honore susceptus fuit a summo pontifice Clemente XI. Obiit anno 1720. Multa concinnavit opera quorum praecipua sunt: *Historia patriarcharum Alexandrinorum, Jacobitarum, Collectio liturgiarum orientatum*.

REQUESEN. — Joseph Maria Requesen, natione Sicilia, patria Panormitanus, Societatis Jesu, docuit ethicam et philosophiam Romae, et Panormi annis septem, theologiae scholasticam et moralem annis 20. Panormi fuit censor S. Inquisitionis in Sicilia, et curiae archiepiscopi, theologus, librorum censor et examinatur. Egit Romae theologum praepositi generalis, et censorem librorum edendorum

a Societatis scriptoribus, florebat ad medium XVII saeculi. Edidit *Selectas disputationes in prima secundae S. Thomae*.

REUSNER. — Reusner Nicolaus, natione Germanus, jurisconsultus, scripsit quoque poemata Latina, et numeribus politicis functus est. Obiit anno 1602. Scripsit: *Itinerum totius fere orbis libros septem, Icones virorum illustrium, Opera poetica*.

RHOD (DE). — Georgius de Rhodis, natione Gallus, patria Avenionensis, Societatis Jesu, octennium in ea docuit rhetoricam, et amoeniores literas, sexennium philosophiam, theologiae annis tredecim, rexit collegium Lugdunense B. Virginis, vir admodum religiosus et disciplinae observator accuratus, desiit inter mortales vivere Lugduni die 17 Maii 1661. Scripsit: *De Deo, angelis et homine, De Christo, deipara et sacramentis, Philosophiam Peripateticam*.

RHODIGIN. — Rhodiginus Ludovicus Caellus, natione Italus, patria Venetus, Mediolani et Paduae professor, vir linguarum peritus, in hac ultima urbe decessit anno 1525. Cujus praecipuum opus *Antiquae lectiones*.

RIBADEN. — Ribadeneira Petrus, natione Hispanus, patria Toletanus, Societatis Jesu, Lutetiae studio vacavit et in Italia rhetoricam docuit. In Hispania migravit ad Dominum anno 1611. Vir iste ardenti zelo clarus est. Scripsit: *Flores vitae sanctorum, Plurium sanctorum vitas, Bibliothecam scriptorum Societatis Jesu, Tractatum de tribulatione*.

RICCIARDETT. — Ricciardettus Gregorius, Italus Aretinus, in praesidem Congregationis Casini, ordinis S. Benedicti, electus anno 1658. Reliquit *Elogia, Inscriptiones et Carmina* multifariam distincta, omnia tamen sacra, id est in laudem sanctorum; ad quorum caecum adnectuntur *Elogia et Epitaphia non sacra*.

RICCIOLI. — Riccioli Joannes Baptista, natione Italus, Societatis Jesu, jux Bononiae docuit, vir in astronomia et scientiis mathematicis peritus. Migravit ad Dominum anno 1671. Scripsit: *Geographiae et hydrographiae libros duodecim, Chronologiam reformatam et ad certas conclusiones redactam, Astronomiam veterem, Almagestum novum, sive astronomiam reformatam*.

RICCIOLI. — Riccioli Antonius, natione Italus, primum Romae advocatus, deinde episcopus Consentinus et magnus regni inquisitor, scripsit: *Tractatum de personis quae in statu reprobo versantur, id est de blasphemis, meretricibus, concubinis, Læubrationum ecclesiasticarum libros sex, De cultu et veneratione S. reliquiarum, De Judaeis, de infidelibus*.

RICC. (A.). — Riccius Aloysius, canonicus Neapolitanus, edidit *Praxim auream fori ecclesiastici*.

RICC. (P.). — Riccius Petrus Andreas, ordinis Cisterciensis, qui edidit *Synopsin, decreta et resolutiones S. congreg. Immunitat*.

RICHARD. DE MEDIAVILLA, vide Mediavilla.

RICHARD. — Richardus, natione Anglus, episcopus Rossensis, ab omnibus etiam adversariis summe laudatus, tanquam vir celeberrimae doctrinae et sanctitatis, ab Henrico VIII, Angliae rege, in odium fidei catholicae occisus et consequenter martyr. Edidit *De causa matrimonii regis Angliae*.

RICHARDUS S. VICT. — Richardus a Sancto Victore, natione Scotus, mysticorum princeps duodecimi saeculi, Lutetiam adit, et canonicus regularis fuit S. Victoris, deinde hujus cenobii prior. Migravit ad Dominum anno 1175. Edidit D. Migne in *Patrologia Latina* opera Richardi a S. Victore, tom. CXCVI.

RICHEL. — Joannes Rikelme, Hispanus, Hispanensis, ordinis Minorum, Regularis Observantiae pro-

vinciae Baeticae, theologus emeritus et theologicis censuris S. Officii, pater Canariensis provinciae, humanis ac divinis litteris expolitus, obiit Gadibus anno 1715. Edidit: *Nuntium pronubum, Veritatem pro modestia colendam, et vanitatem ornatum exstirpandam*.

RICHER. — Richerius Edmundus, Sorbonicus doctor, syndicus facultatis theologiae Parisiensis, vir zelo et severitate insignis, per vitam multas persecutiones passus est. Obiit anno 1651. Multa concinnavit opera quorum praecipua sunt: *Vindiciae doctrinae majorum de auctoritate Ecclesiae in rebus fidei et morum, De potestate Ecclesiae in rebus temporalibus, Historia conciliorum oecumenicorum, Obstetrix animorum, De optimo academiae statu, Historia Puellae Aurelianensis*.

RIDOLFINI. — Ridolfini Petrus, illustris jurisconsultus, qui anno 1670 edidit opus cui titulus est: *Praxis recentior de ordine procedendi in judiciis in Romana curia, una cum practica observationibus*.

RIEGGER. — Riegger Joannes Antonius Stephanus, natione Germanus, canonista, obiit anno 1795. Edidit *Dissertationem in emendationem Gratiani*.

RIGANT. — Riganti Joannes Baptista, natione Italus, patria Neapolitanus, juri studuit Romae; auditor fuit Panciatichi cardinalis. Romae obiit anno 1755. Edidit *Commentaria in regulas cancellariae apostolicae*.

RIOLAN. — Riolanus Joannes, doctor medicus facultatis Parisiensis, professor anatomiae, Lutetiae obiit anno 1657, vir in medicina et in litteris aequè peritus erat. Multa eximia scripsit opera: *Comparisonem veteris medicinae cum nova, Scholam anatomicam, De hermaphroditis*.

RIPA. — Ripa Joannes Franciscus, jurisconsultus, scripsit: *In jus canonicum et civile, Responsa*.

RITTERSHUSIUS. — Rittershusius Conradus, natione Germanus, jurisconsultus, vir judicio eximius, decessit anno 1651. Scripsit: *Cynegeticon Oppiani, De differentiis juris canonici et civilis*.

ROA. — Roa (Martinus de), natione Hispanus, patria Cordubensis, Societatis Jesu, procurator generalis curiae Romanae. In Hispaniam redux, in regno Cordubensi migravit ad Dominum anno 1657. Scripsit *De purgatorio*.

ROBERT. — Roberti Joannes, natione Belga, gente Arduennas, Societatis Jesu, sacrae theologiae doctor ejusque et divinarum litterarum, tum Duaci, tum Treviris, Herbipoli, Moguntiae interpres, rector olim collegii Paderbornensis, religioso sine quievit Namurci, 1651. Scripsit: *Commentaria in Scripturam sacram, Tractatum de magnetica vulnerum curatione, Anglicanae Ecclesiae basin, imposturam*.

ROBERT. — Robertus Claudius, natione Gallus, primum praepositor fuit Andreae Fremiot Bituricensis episcopi, quocum peragravit Italiam et Germaniam. Archidiaconus fuit Cabilonensis. Vir iste eruditione insignis migravit ad Dominum anno 1636. Cujus praecipuum opus est *Gallia Christiana*.

ROBERT. PULL. — Robertus Pullus vel Pullein, natione Anglus, primum Rossensis archidiaconus, creatus est cardinalis et cancellarius Ecclesiae Romanae a Coelestino XI, anno 1144. Migravit ad Dominum anno 1150. Edidit D. Migne in *Patrologia Latina* opera Roberti Pulli, tom. CLXXXVI.

ROCCA. — Rocca Angelus, natione Italus, ordinis Eremitarum S. Augustini, secretarius ordinis sui per sex annos, Eum Romam Sixtus V accessit ut curam impenderet editioni novae Bibliae sacrae, Patrum conciliorumque. Hic doctus Romae obiit anno 1620. Quaedam scripsit: *Commentaria in Scripturam sacram, Bibliothecam Vaticanam illustratam, Thesaurum pontificalium antiquitatum necnon rituum ac caeremoniarum*.

ROCCA. — Rocca Hieronymus, episc. Isolanus, edidit *Disputationes juris selectas*.

ROCCO. — Rocchus Pyrrhus, congregationis S. Salvatoris Messanae, edidit *Historiam Siciliae sacrae*.

RODENG. — Camillus Rodengus, vel Rodingus, natione Italus, patria Brixienis, Societatis Jesu, florebat ad medium XVII saeculi; rhetoricam quinquennio professus est, philosophiam triennio, theologiam decennio Bononiae, ubi multis annis studia moderatus est. Concionatorem praeterea aliquandiu egit, et sacras lectiones in templo Bononiensi per annos 14 habuit. Venetiis rexit domum professam; praefuit Bononiae studiis. Multas edidit orationes funebres et forte *Theologiam scholasticam*.

RODERIC. — Rodericus Gaspardus, jurisconsultus, edidit *De annuis redditibus*.

RODERIC. II. — Hieronymus Rodericus, Lusitanus, Regularis Observantiae provinciae S. Jacobi, in caenobio Salmantino, theologiae moralis professor, anno 1630 edidit *Compendium questionum regularium Emmanuelis Roderici, sive resolutiones questionum regularium ad compendii formam redactas, quibus accesserunt notae, retractationes et additiones, quibus seorsim partim quaedam, ab auctore omissa supplentur, partim aliorum idem vel diversum sententiarum rationes pari brevitate excerptae expendantur, variaeque Bullarii indulta intertextu recensentur*.

RODRIG. — Rodriguez Amator, jurisconsultus cui attribuitur opus titulum praebens: *De concursu creditorum*.

RODRIG. — Rodriguez Emmanuel, Lusitanus, ex oppido Extremoz, ordinis Minorum, vir doctissimus fuit, maxime juris canonici, et theologiae vulgo moralis appellatae. Semel atque iterum in sua provincia dilector, immersus studiis, alia munera, etiam domestica, constantissime respuit, provincialatus quoque fugiens honorem. Publicae utilitati dedit, anno 1598: *Questionum regularium et canonicarum tria volumina*, — anno 1609, *Collectionem et compilationem privilegiorum apostolicorum regularium Mendicantium*, et alia permulta et eximia opera.

ROHAN. — Rohan (Armandus de), cardinalis, Sorbonicus prior, universitatis Parisiensis rector, episcopus Argentinensis, obiit anno 1756. Edidit *Rituale Argentinense*.

ROHAS. — Rohas (Christophorus de), desinentes XVII saeculo conatus est ut Catholicos cum Protestantibus coadunaret, et ad hoc novum concilium convocari volebat. Tiniensis erat episcopus apud Bosniam. Forte auctor est operis cui titulus est: *De haereticis*.

RONCAGL. — Roncaglia Constantinus, natione Italus, congregationis Eremitarum Matris Dei, vir scientia et virtutibus insignis, migravit ad Dominum anno 1737. Scripsit: *Nat. Alexandri historiam ecclesiasticam Veteris et Novi Testamenti, notis et animadversionibus illustratam*, — *Universam moralem theologiam*, — *Effetti della pretesa riforma di Lutero e Calvino e del Gianesismo*.

ROSA (DE). — Thomas de Rosa, episcopus Cavenensis, scripsit *De executoriis litterarum apostolicarum*.

ROSELL. — Joseph Rosell, Carthusianus, edidit *Praxim deponendi conscientiam dubiam, et scrupulos*.

ROSIGNOL. — Rosignol Gregorius, natione Italus, ordinis Barnabitarum, primus praeflare ordinis sui numeribus functus est. Migravit ad Dominum anno 1715. Multa opera concinnavit quorum praecipua sunt: *Praxis theologico-moralis de contractibus ut sic, emptione et venditione, mutuo et usura, emphyteosi et censibus*, — *De cambiis et permutatione*, — *De sponsalibus*, — *De matrimonio*.

ROSM. — Paulus Rosmer, Moso Trajectinus,

et Societate Jesu, celeberrimus quondam in Caesarea Viennensi, et archiducali Graecensi academiis S. Theologiae doctor ac professor ordinarius. Obiit Graeci in Styria, die 8 Junii 1664. Edidit: *De jure et justitia ac potissimum de contractibus*, — *Conclusiones*, — *De actibus humanis*, — *De Deo uno et trino*.

ROSWEDUS. — Heribertus Rosweyus, natione Belga, Societatis Jesu, philosophiam Duaci didicit et docuit. Sacras item litteras Duaci et Antuerpiae professus est: a quibus studiis missione impetrata, rudeque donatus, animum ad scribendum appulit, et plerasque bibliothecas lustravit atque excussit, sanctorum vitas aliisque eruit. — Ad ingenii perspicaciam et judicii maturitatem accedebat studium quoddam indefessum laborandi, indagandi et inquirendi in antiquitate omnis aevi, tum sacram, tum etiam profanam. Obiit Antuerpiae, in domo professa, anno 1629. Edidit: *Fastos sanctorum*, — *Disputationem de fide haereticis servanda*, — *Notationes in veteri Martyrologium Romanum*, — *Historiam ecclesiasticam*, — *Vitas sanctarum virginum*, etc., etc., etc.

ROTA ROM. — Rota Romana et ejus compendium Mediolani quinque voluminibus impress.

ROTAR. — Thomas Franciscus Rotarius, clericus regularis S. Pauli, edidit *Theologiam moralem regularem*.

ROUSSEAU DE LA COMBE. — Guido du Rousseau de la Combe, Lutetiae advocatus, multa jurisprudentiae eximia concinnavit opera: *Recueil de jurisprudence civile du pays de droit écrit et coutumier*, — *Traité des matières criminelles*, — *Recueil de jurisprudence canonique et bénéficiale*.

ROX. — Franciscus Roxas, ordinis Minorum, scripsit: *Catenam auream Ecclesiae doctorum in historiam evangelicam*.

ROYE. — Roye (Franciscus de), natione Anglus, jurisconsultus, anno 1686 decessit. Scripsit *De missis Dominicis*.

RUBEIS. — Joannes Bernardus Maria de Rubeis, natione Italus, ordinis Praedicatorum, vir fere in omnibus scientiis versatissimus, et virtutibus insignis, omnes constanter honores respuit ut studio vacaret. Anno 1775 migravit ad Dominum. Fere innumera opera concinnavit: *De fabula monachatus Benedictini divi Thomae Aquinatis*, — *De peccato originali ejusque natura*, — *Dissertationes variae eruditionis*, — *De charitate, virtute theologica, ejusque natura*.

RUBEUS (P.). — Rubeus Paulus, jurisconsultus, edidit *Annotationes ad decisiones Rotae Romanae*.

RUBION. — Guillelmus Rubionus vel de Rubione, Hispanus, ex oppido Villafranca in regno Aragonensi, ordinis Minorum, hujus provinciae minister provincialis, ac subtilis doctoris eruditissimus discipulus, floruit circa annum 1533, posteris relinquens *Commentaria in quatuor libros Sententiarum*.

RUINART. — Ruinartius Theodericus, natione Gallos, ordinis S. Benedicti, congregationis S. Mauri, SS. Patrum sese studio dedit magno cum ardore, immensoque fructu, ita ut a Mabillonio electus sit laborum socius. Simplicitate, modestia, recto iudicio, nitido stylo, clarus est. Ruinartius obiit anno 1709. Multa opera scripsit Ruinartius: *Acta primorum martyrum sincera et selecta*, — *Ecclesia Parisiensis vindicata*.

RUPERT. — Rupertus Yprensis, ordinis S. Benedicti, vir scientia et studi amore insignis, obiit anno 1135. — Multa opera scripsit quae a D. Migne in *Patrologia Latina* edita rursus fuerunt, tom. CLXVII-CLXIX.

S

SA. — Sa Emmanuel, natione Hispanus, patria

Interamnensis, primo Conimbricæ Romæque doctus professor, deinde in urbes Italiae ad praedicandum missus, multa doctrina animique modestia et sanctitate praeflare enituit; e vita migravit anno 1596. Edidit: *Scholiam in quatuor Evangelia*, — *Notationes in totam sacram Scripturam*, — *Aphorismos confessoriorum*.

SABIN. — Sabinus Franciscus, ordinis Minorum, patria Bononiensis, scripsit opus cui titulus: *Lux moralis*.

S. BEUV. — Sainte Beuve, Gallicus canonista, vita functus anno 1677. Typis mandavit *Resolutiones casuum conscientiae*.

SAL. — Sala Robertus, Italus, scripsit *Adnotationes ad opera cardinalis Bona*.

SALAMANC. — Salamanca Alexius, Hispanus, patria Zamorensis, ordinis Minorum, qui elegantia ingenii atque doctrina simul et cognitione linguarum speciatibilis deprædicatur; claruit circa annum 1520. Elucubravat *Dialogos de Christi Domini republica*.

SALAS. — Salas (Joannes de), Societatis Jesu, natione Hispanus, patria Gumeleusis de Ysan, Salmanticae et Romae theologiam professus est; vir inter doctos doctissimus qui saepe a multis tanquam oraculum sapientiae consulabatur; Salmanticae obiit die 20 Septembris anni 1612. Edidit: *Disputationes in Summam divi Thomae*, — *De contractibus, de legibus, de emptione et venditione*.

SALAZ. — Salazar de Mendoza, Hispanus, scripsit: *De institutione canonicae poenitentiae*, — *De usu et consuetudine*.

SALER. — Salernus Franciscus, Neapolitanus, pontificii concilii notarius, e vita decessit anno 1564. Typis mandavit opus cui titulus: *Consiliorum sive Responsorum juris matrimonii valor*.

SALES. FRANC. — Salesius Franciscus (sanctus), Genovensis episcopus, Parisiis prima litterarum principia didicit, jus vero Paduae, deinde episcopalem, quamvis reitens, adeptus dignitatem, magna morum amoenitate, animique dulcedine enituit, qua prorsus innumeros haereticos ad veram fidem adduxit; e terra raptus est in caelum anno 1622, aetatis suae 56. Eximia edidit opera: *Introduction à la vie dévote*, — *Traité de l'amour de Dieu*, — *Lettres spirituelles*.

SALIAN. — Salius Jacobus, natione Gallus, patria Avenionensis, collegii Vesuntionensis rector; sacras etiam habuit conciones et aetatis suae cursum vel scribendo vel in audiendis confessionibus poenitentium confecit; vir integritate vitae atque indefesso labore concipuus; apoplexia ictus obiit anno 1640. Elucubravat: *Annales ecclesiasticos Veteris Testamenti ab orbe condito usque ad Christi Domini mortem*, — *De timore Dei*, — *De amore Dei*.

SALICET. — Salicetus, Italus jurisconsultus, patria Bononiensis, juris doctus professor, legationem egit ad papam Gregorium XI; obiit anno 1412. Scripsit *Commentaria de Codice*.

SALLUST. — Sallustius Caius Crispus, percelebris historiographus Romanus, primum quaestor, deinde tribunus, praetor, ac tandem proconsul Numidiae, vitam dissolutis moribus deditam egit; natus est anno 80 ante Christum. Eximia edidit opera: *Bellum Jugurthinum*, — *Conjunctionem Catilinae*.

SALM. — Salmanticenses Carmelitæ Disalceati, quibus attribuitur *Cursus theologicus*.

SALMER. — Salmoron Alphonsus, natione Hispanus, patria Toletanus, postquam in academia Parisiensi philosophicas et theologicas disciplinas diligenter excoluisset, beato Ignatio Societatis Jesu fundatori socium se adjunxit; maximas ac celeberrimas Italiae et Germaniae civitates sacris concionibus illustravit; in Hibernia etiam nuntii apostolici munere functus, synodo Tridentinae interfuit, ubi maxima cum opinione eruditionis et audientium admiratione sententias dixit, ac tandem laboribus

exhaustus pie migravit ad Dominum 1585. Scripsit: *Prolegomena in universam Scripturam*, — *De Incarnatione Verbi*, — *De historia evangelica*, — *De Christi miraculis*, etc.

SALMO. — Salmon Franciscus, Gallus, doctor Sorbonicus, in cognitione linguarum praesertim lingua Hebraica clarus emicuit; vita functus anno 1756. Edidit opus cui titulus: *Traité de l'étude des conciles*.

SALON. — Salon sive Salonius, Michael, ordinis Sancti Augustini, natione Hispanus, inquisitionis qualificator, in academia Valentina theologiae professor; vir exstitit tum doctrinae, tum eruditionis fama insignis ac eloquentiae studiis egregie imbutus; e visis discessit anno 1620. Scripsit *De justitia et jure*.

SALUT. — Salutis Bartholomæus, Italus, ordinis Minorum, vir zelo praedicationis et misericordia erga peccatores insignis, diem obiit supremum anno 1621. Edidit in lucem: — *Spectulum animae*, — *Hortulum orationis*, — *Paradisum contemplationis*, — *Amorosum discipulum*, — *Testamentum animae*.

SALV. — Salvianus, natione Gallus, presbyter Massiliensis, qui Coloniae Agrippinae ortum habuisse videtur, cum tanto dolore vita sui temporis perstrinxit, ut Jeremias quinti saeculi cognominaretur. Scripsit: *De gubernatione Dei*, — *Adversus avaritiam*.

SAMINIAT. — Saminiatus Joannes Baptista, jurisconsultus, scripsit *De controversiis*.

SAMUEL. — Samuelus Franciscus Maria, ordinis Praedicatorum, elucubravat opus cui titulus: *Praxis observanda in ecclesiasticis sepulturis*.

SANCH. — Sanchez Joannes, natione Hispanus, juris utriusque doctor, evulgavit *Disputationes selectas*.

SANCH. — Sanchez Thomas, Hispanus, patria Cordubensis, Societatis Jesu, in qua diversa exercuit munera; vir vita purissima, peracri iudicio, ac theologice doctrinae praeflare; quem ante nullus auctor exstitit, qui dubias de matrimonio controversias uberius et accuratius enodaverit; migravit ad Dominum 19 Maii 1610. Scripsit: *De sacramento matrimonii*, — *Opera moralia in praecipua Decalogi*, — *Consilia, seu Opuscula moralia*.

SANCTAREL. — Sanctarellus Antonius, natione Italus, patria Adriensis in Samnio, humaniores litteras et theologiam docuit; vir moribus apprime religiosus et modesta mansuetudine insignis, ad omnia charitatis opera expeditus; octogenario major obiit die 5 Decembris 1649. Edidit: *Vitam Jesu Christi et Beatissimae Mariae Virginis*, — *Tractatum morale de haeresi, schismate, apostasia, sollicitatione in sacramento poenitentiae*, etc.

SANCTOR. — Sanctorus de Melpli, Italus, ordinis Minorum, sacrae poenitentiarum Lateranensis praeses, claruit decimo sexto saeculo. Scripsit: *Commentaria ad statuta generalia ordinis Seraphici*, — *Thesaurus spirituales et temporales monasteriorum S. Clarae et S. Magdalena urbis Neapolitanae*.

SAND. — Sandæus Fridericus, Batavus jurisperitus, legatus Hollandiae ad plurimas aulæ, decessit anno 1617, relinquens: *Commentarium in Gelriae et Zutphaniae consuetudines feudales*, — *Commentarium in consuetudinem Gelriae de effestuatione*.

SANDER. — Sanderus Nicolaus, natione Anglus, primum professor in universitate Oxoniensi, deinde socius cardinalis Hosii, interfuit synodo Tridentinae; ac tandem a Gregorio XIII in Hispaniam et Hiberniam legatus missus est; obiit anno 1580. Multa concinnavit opera quorum notanda: *Tractatus de Caena Domini*, — *De schismate Anglicano*, — *De Ecclesia Christi*, — *De ritu catholico processionum*.

SANDIN. — Sandinius Antonius, Italus, bibliothecarius et professor historiae ecclesiasticae in seminario Paduano, ubi e visis decessit anno 1751, ingenii monumenta relinquens: *Vitas Pontificum Romana-*